

ԲԱՅԻ ԱՐՏԱՅԱՅՏՈՒԹՅՈՒՆԸ ՎԱՐՂԵՆԻՍԻ
ԲԱՐԲԱՌՈՒՄ

Վարդենիսի բարբառում բայը իր կազմությամբ, կիրառությամբ որոշակի առանձնահատկություններ է դրսևորում ինչպես անդեն կամ դերբայական ձևեր, այնպես էլ դիմավոր կամ եղանակային ձևեր կազմելիս:

Վարդենիսի բարբառը ունի հինգ դերբայ՝ անորոշ, վաղակատար, հարակատար, ենթակայական և ժխտական:

Անորոշ դերբայը բարբառում կազմվում է -ել և -ալ վերջավորություններից: Ինչպես արդի գրական հայերենում, այնպես էլ Վարդենիսի բարբառում ամեն մի բայի հիմք կարող է լինել պարզ և ածանցավոր:

Համապատասխան վերջավորությունները ավելանում են նշված բայահիմքերի վրա:

Վարդենիսի բարբառում անկատար և ապառնի դերբայներ չկան: Անկատար դերբայի երկրորդական բաղադրյալ ժամանակի -ելիս, -ալիս համակատար վերջավորությունների փոխարեն հանդես է գալիս -ուց վերջավորությունը, որն անորոշ դերբայի բացառական հոլովածն է: Այսպես գնալիս-էթալուց, վազելիս-վազելուց:

Ապառնի դերբայի իմաստն արտահայտում են պայմանական կամ ենթադրական եղանակի ապառնի կամ անցյալի ապառնի ժամանակները: Նման երևույթ չկա հայերենի մյուս բարբառներում, օրինակ՝ գրական հայերեն-Տեղ հասնելուն պես երգելու են: Վարդենիսի բարբառ-հըմա խասանք՝ տեղ, կըյերքեն: Անորոշ դերբայի սեռական հոլովը չպետք է շփոթել ապառնի դերբայի հետ: Դրանց տարբերությունը պարզորոշ երևում է դերբայի նախադասության մեջ գործածելիս՝ նրա արտահայտած իմաստից:

Գործածվում է «Յես կըյերքեն», «Յես կը խաղամ» ձևեր, բայց ոչ՝ «Ես երգելու են» կամ «Ես խաղալու են»: Բարբառում կիրառվող գ'ոռելու և վառելու բառերը ոչ թե ապառնի դերբայներ են, այլ՝ անորոշ դերբայի սեռական հոլովածներ:

ՎԱՐԱՎԱՏԱՐ ԴԵՐԲԱՅ

Վաղակատար դերբայը ցույց է տալիս կատարված, ավարտված գործողություն և եմ, ի օժանդակ բայի հետ կազմվում է սահմանական եղանակի վաղակատար և անցյալի վաղակատար ժամանակներ:

Ինչպես՝ Յերքերեն, յերքեր ես, յերքերա
երգել եմ, երգել ես, երգել է

} վաղակատար

Յերքեր ի, յերքեր իր, յերքեր էր } անցյալի վաղակատար
երգել էի, երգել էիր, երգել էր }

Բարբառում վաղակատար դերայը կազմվում է -եք վերջավորությամբ, որը դրվում է ինչպես անկատարի, այնպես և անցյալի հիմքի վրա և նմանվում են անորոշ դերբային:

ՀԱՐԱԿԱՏԱՐ ԴԵՐԲԱՅ

Հարակատար դերբայն արտահայտում է այնպիսի գործողություն, որը վերածվել է վիճակի, դրության: Այդ յուրահատկության պատճառով է, որ հարակատար դերբայը սակավ մասնակցություն է ունենում ժամանակային ձևերի կազմությանը և ինչպես արդի գրական հայերենում ներգործական սեռի բայերն ընդհանրապես հարակատար ժամանակներ չեն կազմում:

Հարակատար դերբայը Վարդենիսի բարբառում կազմվում է -ուկ մասնիկով: Ինչպես մյուս դերբայները, հարակատար դերբայը ևս քերականական – նյութական արտահայտություն է ստանում բայասեռի և դրանից բխող խնդրառության կարգերում: Այն ևս մյուս դերբայների նման ուղիղ խնդիր է ընդունում, ինչպես՝ հաշկեր խոփուկ իսան (աչքերը խփած մարդ), գ'ըլօխ ջառթուկ սալդաթ (գլուխը ջարդած զինվոր), փուսուլեն կուրսուկ ջաղու պառավ (խելքը կորցրած վիուկ պառավ):

Ստեղծված անկախ դերբայների խմբի մեջ, հարակատար դերբայը գործողության հետ միաժամանակ արտահայտում է այլ խոսքի մասի իմաստ (հատկապես ածականի): Դրա հետևանք է, որ հարակատար դերբայը՝ ածականական հատկանիշին համապատասխան, հանդես է գալիս ածականին հատուկ շարահյուսական կիրառություններով (որոշակի, ձևի պարագա, ստորոգելիական վերադիր): Այսպես՝

Ք'նուկ մառթըն զառթընավ-քնած մարդը զարթնեց (որոշիչ)

խոռովուկ նստավ հոտ տեղ-խռոված նստեց իր տեղը (ձևի պարագա): Կճուճի կոթն կօռոուկ ա-կճուճի կոթը կոտրված է (ստորոգելիական վերադիր):

Անհրաժեշտ է հիշատակել հարակատար դերբային վերագրվող մեկ այլ կարևոր հատկանիշի մասին ևս:

Սի դեպքում հարակատար դերբայը օժանդակ բայի հետ արտահայտում է ներկայի իմաստ, մեկ այլ դեպքում ցույց է տալիս անցյալի ժամանակային հատկանիշ: Այսպես՝ մոռսուկա, ք'ոնուկա, քեռուկա-մրսած է, քնած է, բեզարած է (ներկա ժամանակ):

Իսկ՝ Տուներն ք'անդվուկ ա-տուներ քանդված է (անցյալ ժամանակ):

ԵՆԹԱԿԱՅԱԿԱՆ ԴԵՐՔԱՅ

Ենթակայական դերքայը կազմվում է -օղ վերջավորությամբ, որը դրվում է է խոնարհման քայերի անկատարի, ա խոնարհման քայերի՝ կատարյալի հիմքի վրա:

Այսպես՝ գ'րոզ, նրստող, փախնօղ, վաճօղ-զող, նստող, փախչող, վազող (անկատարի հիմք) կառթրցօղ, խաղցօղ, հավատացօղ, գ'նզող-կարդացող, խաղացող, հավատացող, գնացող-(կատարյալ հիմք):

Ի տարբերություն անորոշ դերքայի, որն ցույց է տալիս գործողության ընդհանուր գաղափար (գործողության անուն) , ենթակայական դերքայը ցույց է տալիս գործողի, մի բան անողի կարգ): Ինչպես գիտենք գործողի անվան գաղափարը հայերենում արտահայտվում է ոչ միայն ենթակայական դերքայով: Հաճախ այդ գաղափարը արտահայտվում է տարբեր ածանցներով (ան, իկ, իչ, որդ, ու, ուն, վոր): Այսպես՝ կծան, գարկան, փորկիչ, մատնիչ, ճրք'նավոր-սծան, գարկան, փրկիչ, մատնիչ, ճգնավոր:

Ինչպես տեսնում ենք ոչ բոլոր, ածանցներն են բարբառում կիրառվում և նոր բառեր կազմում: Ենթակայական դերքայը, անկախ նրանից, թե նախադասության ինչ անդամի պաշտոնով է հանդես գալիս, գոյականաբար է կիրառվում, թե՛ ածականաբար, ուղիղ խնդիր է պահանջում: Այսպես՝ Տուն շինող մառթըն հիմ էլ հաջօղութուն կունենա-Տուն շինող (կառուցող) մարդը միշտ էլ հաջողություն կունենա:

Ենթակայական դերքայի մեջ քանի որ գերիշխողը առարկայական իմաստն է, ուստի նա ինքնին գոյական է, և շարահյուսական կիրառություններում հանդես է գալիս գոյականին բնորոշ քերականական կարգերով, դառնալով (ենթակա, որոշիչ, հատկացուցիչ): Այսպես՝

ա) ենթակա -Լավ շախմատ խաղաող ա պետք-լավ շախմատ խաղացող է պետք:
բ) Որոշիչ-Սովորող եղևեսն գատմրնից կեղվա-սովորող երեխան գատից (հեղվից) երևում է:

գ) հատկացուցիչ-Ըստանվորի ջանքակոն մեշից գ'տման-Սպանվողի մարմինը անտառից գտան:

ԺԽՏԱԿԱՆ ԴԵՐՔԱՅ

Ժխտական դերքայը հանդես է գալիս պայմանական, հարկադրական եղանակների ժխտական խոնարհմաներում և կազմվում է անորոշ դերքայից՝ նրա վերջավորության անկմամբ:

Ստորև ներկայացնում ենք պայմանական կամ ենթադրական եղանակի կազմությանը և դրա դրական և ժխտական խոնարհումը:

Դրական խոնարհում

Ասանոցի

կըզ'րեն կըկառթան

կըզ'րեն կըկառթան

կըզ'րա կըկառթա

Անգալ ապառնի

կըզ'րի կըկառթի

կըզ'րի կըկառթի

կըզ'րեր կըկառթեր

Ժառանգան խոնարհում

Ասանոցի

չեն գ'րեր չեն կառթա

չես գ'րեր չես կառթա

չըզ'րա չըկառթա

Անգալ ապառնի

չի գ'րեր չի կառթե

չիր գ'րե չիր կառթե

չէր գ'րեր չէր կառթե

Բարբառն ունի երկու խոնարհման բայեր՝ ե և ա (պարզ և ածանցավոր): Օժանդակ բայի ներկան կազմվում է եմ, են, և, ենք', եք', են օժանդակ բայերով, որոնք ի տարբերություն արդի գրական հայերենի, գրվում է բայահիմքի հետ միասին (կօ կը գ'րենք, կօ կը գ'րես, կօ կը գ'րա):

Ինչպես տեսնում ենք սահմանական եղանակի ներկա ժամանակը Վարդենիսի բարբառում հատուկ ձևավորում ունի: Այսպես՝ կը կառթամ նշանակում է կարողում են ընդհանրապես, իսկ եթե ասվում է կօ կը կառթամ արդեն ներկա պահին կատարվող գործողություն է ցույց տալիս՝ այսինքն հիմա՝ խոսելու պահին կարողում են:

Այս երևույթը՝ այսինքն կրկնակի եղանակիչի կազմությամբ ներկա (կօ կը) կամ և կիրառելի են անգլերենում և թուրքերենում, ինչպես նաև հայերենի արևմտյան խմբակցության բարբառներում (հատկապես Պոլսի բարբառում):

Նման ձևով ներկա ժամանակի կազմությունը ընդունված է կոչել ներկա շարունակական ժամանակ, որը և ստեղծում է շարունակական ներկայի և անկատարի հատուկ ձևեր՝ կը գ'րենք-կը գ'րի-կօ կը գ'րենք, կօ կը կըզ'րի այսինքն՝ կը գ'րենք, կը գ'րի-արտահայտում է գրում են, գրում էի գործողություն իմաստն անորոշ և ներկայի իմաստը մթազնված է, իսկ եթե ասում ենք կօ կը գ'րենք ապա այս դեպքում ցայտում կերպով երևում է ներկա ժամանակի իմաստը՝ այսինքն հիմա, խոսելու պահին գրում են:

Ինչպես նշված կը գ'րենք, այնպես էլ կը կառթամ պարզ բայերը շարահյուսական կիրառություններում (նախադասությաններ կազմելիս և խոսքի մեջ) արտահայտում են պայմանական կամ ենթադրական եղանակի ապառնի իմաստ: Այսպես կը գ'րենք, կը կառթամ ավելի շատ արտահայտում են գրելու են պիտի գրեն կամ կարդալու են, պիտի կարդան, քան՝ գրում են, կարդում են ներկայի իմաստ:

Բարբառի բայի խոնարհման համակարգը արժեվորելիս չի կարելի անտարբեր անցնել քերականական մի երևույթի մասին ևս:

Հասկանալ (խասկընալ) բայը եղանակային ձևերի կազմության ժամանակ սահմանական եղանակի ներկան կազմում է առանց նախադաս կօ եղանակիչի, որը յուրահատուկ է Վարդենիսի բարբառի ներկայի կազմությունը:

Սեր ասածի ճշտությունը բնութագրելու և ապացուցելու համար ցույց տանք այն խոնարհման համատեքստում:

Սահմանական եղանակ

Ներկա

կը խասկընամ (հասկանում եմ)	կը խասկընամք' (հասկանում ենք)
կը խասկընաս (հասկանում ես)	կը խասկընաք' (հասկանում եք)
կը խասկընա (հասկանում է)	կը խասկընան (հասկանում են)

Անցյալ անկատար

կը խասկընի (հասկանում էի)	կը խասկընինք' (հասկանում էինք)
կը խասկընիր (հասկանում էիր)	կը խասկընիրք' (հասկանում էիք)
կը խասկըներ (հասկանում էր)	կը խասկընին (հասկանում էին)

Ժխտական խոնարհման դեպքում սահմանական եղանակի ժամանակ-ները կազմվում են օժանդակ բայի ժխտական ձևերով և դերբայներով:

Սահմանական եղանակի ներկա, անցյալ անկատար և հարակատար ժամանակի դեպքում «չը» ժխտական նախածանցը հավասարապես գործածվում է ինչպես «կօ» եղանակից հետո՝ կօ չեմ նըստե (սահմանական եղանակի ներկա ժամանակ) և «պըտի» եղանակիչից առաջ՝ «չըպըտի նըստեմ» (հարակատար եղանակ):

Սակայն բացառված չէ նաև այն հանգամանքը, որ «չը » ժխտական մասնիկը վերոնշյալ եղանակներում (սահմանական եղանակ ներկա, անցյալի անկատար և հարակատար եղանակներ) դրվի անմիջապես բայասկզբին (կօ չընըստեմ- նուրնը՝ կօ չեմ նըստե-ի իմաստն է արտահայտում) և պըտի չընըստեմ-չըպըտի նըստեմ-ի իմաստն է արտահայտվում: